

Broj: 01-49-1-1001-5/19  
Sarajevo, 16.07.2019. godine

Na temelju člana 69. stav (2) pod a) i člana 70 stav (1) i stav (4) Zakona o javnim nabavkama („Službeni glasnik BiH“, broj 39/14), a vezano za otvoreni postupak javne nabavke usluga - „Održavanje ORACLE licenci“, direktor Federalne uprave za geodetske i imovinsko-pravne poslove d o n o s i

**ODLUKU**  
**o poništenju postupka javne nabavke usluga - „Održavanje ORACLE licenci“**

I

U skladu sa članom 69. stav (2) pod a) Zakona o javnim nabavkama („Službeni glasnik BiH“, broj 39/14), poništava se otvoreni postupak javne nabavke usluga - „Održavanje ORACLE licenci“, za koji je Obavještenje o nabavci broj: JN 399-1-2-19-3-28/19 poslato na objavu na web Portal Agencije za javne nabavke BiH dana 21.06.2019. godine.

II

Predmetni postupak nabavke usluga se poništava iz razloga što u određenom krajnjem roku nije dostavljena nijedna ponuda, a temeljem obaveze ugovornog organa propisane članom 69. stav 2. pod a) Zakona.

III

Ova Odluka stupa na snagu danom donošenja i objavit će se na službenoj internet stranici Federalne uprave za geodetske i imovinsko-pravne poslove ([www.fgu.com.ba](http://www.fgu.com.ba)).

**Obrazloženje**

Temeljem Zakona o javnim nabavkama („Službeni glasnik BiH“, broj 39/14), Federalna uprava za geodetske i imovinsko-pravne poslove (u daljem tekstu: ugovorni organ) je Odlukom o nabavci, broj: 01-49-1-1001/19 od 21.06.2019. godine, te objavom Obavještenja o nabavci, broj: JN 399-1-2-19-3-28/19, objavljenog na web Portalu Agencije za javne nabavke BiH dana 21.06.2019. godine, pokrenula otvoreni postupak javne nabavke usluga - „Održavanje ORACLE licenci“.

Postupak je provela Komisija za predmetnu nabavku, koja je o istom sačinila Zapisnik o zaprimanju ponuda, broj: 01-49-1-1001-4/19 od 11.07.2019. godine, u kojem je

konstatovano da do roka za dostavljanje ponuda, predviđenog tenderskom dokumentacijom i Obavještenjem o nabavci, na protokol ovog ugovornog organa nije zaprimljena niti jedna ponuda.

S tim u vezi, predmetni postupak nabavke usluga se poništava u skladu sa članom 69. stav (2) pod a) Zakona, kojim je decidno propisana obaveza ugovornog organa da poništi postupak javne nabavke u slučaju da nije dostavljena nijedna ponuda u određenom kranjem roku.

Uzimajući u obzir naprijed navedeno, odlučeno je kao u tački I. ove Odluke.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi BiH, putem ugovornog organa - Federalna uprava za geodetske i imovinsko-pravne poslove, u roku od deset (10) dana od dana prijema ove Odluke i to u pisanoj formi i u dovoljnom broju primjeraka, a koji ne može biti manji od tri.

 **DIREKTOR**  
Željko Obradović, dipl.ing.geod.

**DOSTAVITI:**

1. Sektor za geoinformatiku;
2. Komisija za predmetnu nabavku;
3. U spis.